

籌辦夷務始末

卷五之六

籌辦夷務始末卷之五

道光十八年戊戌八月辛卯兩廣總督鄧廷楨奏伏查防弊固貴因時立法尤期盡善苟法之未善而欲弊之力除恐適滋之弊也今紋銀之出洋鴉片之入口東南幾成銅弊塞漏培本誠當急切講求惟詳核黃爵滋原奏掃除一切杜弊之策而獨歸罪於吸食鴉片之人吸食鴉片罪非浮於強盜也乃皆欲置之死刑不得比於可原之劇盜而又舉發責之鄰右禁錮及其子孫非意失不辜即端開滋擾法之善與不善已可不辨而明如謂外夷食鴉片煙者死無赦尚能令行禁止是姑無論在彼治之於濫觴之始在

我治之於潰防之餘。衆寡不同。情勢迥別。而外夷殘民以逞之事。

天朝理大物博。奈何尤而效之。雖其意以為

旨嚴令肅。畏法者多。予限一年。十已戒其八九。刑仍可以不用。但十戒八九之一言。亦懸揣而未必確有把握。設使蚩蚩者氓。法未及身。應來輒食。轉睫限滿。癖嗜猶存。當此之時。執法則含生億兆。誅之不可勝誅。廢法則朝更夕改。愈起易視之心。轉無挽救之日。是兩失之道矣。臣查紋銀每歲出洋若干。無憑核計確數。溯自嘉慶初年。鴉片雖以藥材載入稅冊。而維時食者甚稀。後傳染日深。馴至蔓延各省。吸

食之人既多。鴉片之入必不少。即紋銀之出亦必不貲。臣
於到任後體察情形。與前撫臣祁墳反覆籌度。必須嚴拏
國販黨口。及攬載之快蟹各艇。俾杜出入之路。以清販運
之源。當經會同遴委員弁。並咨行水師提臣關天培暨各
鎮道一體飭屬查緝。隨據先後拏獲大夥私運紋銀匪犯
及開設快蟹艇館。開設黨口匪犯。又拏獲銀煙三十起各
在案。伏念貪夫徇財。販運者驟難期其絕跡。水懦民玩。吸
食者儼若安其故常。是刑不可濫。而法亦不容疏。似應變
通舊例。分別加重。使之各有戒心。庶足以挽狂瀾而起痼
疾。查為治之道。太上變化之。其次媿屬之。古之墨刑。即今

刺字。蓋即媿之一端也。食煙定例。罪止杖枷滿徒。迨疏枷
或到配後。無異平人。既恐本犯故態復萌。抑亦無以儆衆。
若加以刺面。羣知食煙犯罪刺字。即無面目見人。羞惡之
心。人皆有之。苟非至愚極頑。無不憚而悔禍者。其中設有
不類。必齊以刑。亦應倣照竊盜三犯之例。逐次加重科之。
以期物咸在宥。免於驟羅重典。應請嗣後無論官紳軍民
人等。如有吸食鴉片者。初犯仍照舊例。分別擬以枷杖滿
徒。於左面刺吸食鴉片四字。若恬不知恥。再犯到官。即擬
以杖一百。流三千里。更於右面刺再犯二字。儻竟罔有悛
心。至於三犯。則是藐法怙終。雖投畀遠方。亦無足惜。即從

重擬以實發新疆酌撥種地當差於右面加刺三犯二字
用昭懲創。其有栽種罌粟熬充鴉片漁利致妨農業者亦
分次照此科罪。面刺栽種罌粟四字。所有官署內各項人
等及所部兵丁有犯除本犯治罪外失察員弁均請交部
議處。仍先出示曉以罪名並鈔示斷廳良方酌予半年之
限諭令以期戒煙過此即行拏辦以免久而生懈抑臣思
之奉法貴乎無私教罰期於警衆竊以為治貧者百不
如治富者一治賤者百不如治貴者一誠以興臺旱隸及
游手無賴之徒犯罪人且不知知之亦不介意及至富家
大族身陷官刑遂爾羣相震驚愕然警動此民情大可見

者也。今既定食煙之罪。必須破除情面。於富家大族。無稍
瞻徇。俾得截斷衆流。以收懲一儆百之效。惟此富家大族。
類多結客自豪。一經執法從事。勢必流言四起。不曰訛詐。
不遂。即稱藉事生風。百計撓權。多方洩忿。是在當其事者。
不畏強禦。不避怨嫌。毅然堅以持之。庶乎令行而禁止矣。
又語云。不見可欲。使心不亂。斯民嗜欲雖深。設非黨口販
煙入口。何從購之食之。是食煙之獲罪。與紋銀之出洋。實
匪徒階之厲也。此等為害最烈處。以極刑。亦不為過。若更
舍之不治。猶之防川不塞其源。而欲流之不橫決四溢也。
難矣。應請嗣後除私開鴉片煙館。引誘良民。照例仍擬絞。

候外。其偶然興販鴉片。數十斤至一百斤者。即擬發近邊充軍。面刺興販鴉片四字。數至一百斤以上者。擬絞監候。仍照前刺字。若係積年開設窩口。或日久合本朋開。勾結外夷。出洋販運多次。即屬匪黨渠魁。無論煙數多寡。均當擬以絞決。仍將財產查抄入官。以彰

國憲而快人心。至廣東窩口之設。多在沿海各口岸。而澳門為甚。其內河則省城及高要縣之廣利墟。順德縣之陳村。東莞縣之石龍等處亦有之。臣現會同撫臣怡良。移咨水師提臣關天培。粵海關監督臣豫堃。並檄行各鎮道。嚴飭各守口員弁關役。認真堵截查拏。其各處窩口。責成該管

營縣及澳門同知購線探訪得實迅往圍捕解究不得少涉疏懈。所有口外扼要之零丁等洋面由水師提督督飭該管之香山協大鵬營提標中左兩營各該將領率令汛弁舟師無分雨夜加勁巡查禁阻。無論內地何項艇隻不許攏近夷船亦不許無故在洋游奕。一遇私運紋銀鴉片匪艇奮勇兜擒解省嚴究其窩口巢穴所在密速掩捕懲辦。儻該水陸在事人等玩不用命致有縱漏別經發覺或被委員拏解即究明本犯開窩何處出洋何日經由何海口營縣轄境立將不行查拏之所管所巡各員弁兵役分別叅劾究懲如審有得規包庇受賄賣放情弊即照縱囚律

與犯同罪。仍計贓從其重者論。以昭炯戒。失察之本管上司。叅處示儆。其有實在出力員弁。能將窩口走私各犯。源源報獲。或拏獲贓重大案一起。亦即據實保奏。請

旨量加鼓勵。又韶州府屬之樂昌乳源等縣。南雄連州等直隸州。毗連湖南江西二省。難保匪徒不夾帶鴉片出境。臣因太平關建設曲江。地居扼要。西北兩路。途所必經。且為鎮道駐劄之所。前經遵

旨責成該鎮道在於太平關上下。督率員弁。晝夜巡察堵拏。茲復檄令始終加意督辦。如查有賄縱等弊。將該員弁兵役一律叅革治罪。如此酌定章程。源流並治。或冀商民知懼。漸

就肅清。外夷無計居奇。鴉片自然衰滅。而紋銀無所消耗。民命亦多保全。似於塞漏培本之道。未必無益。

廣東巡撫怡良奏。伏思漏卮之起。由於俗尚之奢。而此絀彼盈。總不出中國之內。惟鴉片煙來自外夷。以土易銀而去。吸食日多。販運日衆。誠如黃爵滋所奏。漏卮日甚。不可不議者也。臣愚以為鴉片一物。不吸則不來。不來則亦不吸。二者互為消長。其偷運入口。窰口奸商。包兌包送。扒龍快蟹等弊。歷有年所。節經督臣鄧廷楨。前撫臣祁墳。設法獲辦。已屬不遺餘力。而利之所在。終不能絕。總由吸食者衆耳。凡吸食之人。勢不能自赴夷船購買。必於煎熬煙館零買。

應將零賣煙館。首先摻獲淨盡。使吸食者無從買食。則窩口亦銷售無處。而偷運私送之匪徒。加以嚴密緝捕。是斷銷售之路。即所以斷吸食之源。然後為吸食者立定期限。以冀還淳返樸。應請勒限半年。示令吸食者全行戒絕。先行出示。開列戒應之方。使其痛自改悔。免其治罪。若半年之後。仍蹈故轍。一經查拏到官者。分別枷杖滿徒。上加等擬流。並面刺煙匪二字。在冥頑不靈之徒。容或不以為恥。稍有自顧顏面者。亦必無地自容矣。至積慣興販匪徒。一經拏獲。審明實係大夥興販。業已多次者。擬發新疆給披甲人為奴。至私開鴉片煙館。誘人買食。實屬皆不畏法。應

請仍擬紋候。房屋入官。牌頭地保。得規徇隱者。照本犯減
一等問擬。製造煙具罪名。應照向例懲辦。此非應深不能
驟戒可比。應請即時禁絕。查奸匪設立窯口。販運鴉片。都
在沿海各口。臣到任未久。所有扼要口隘。未能深悉。容
留心訪察。會商督臣實力察辦。遏其流於旁潰之餘。不若
絕其源於濫觴之地也。向來夷船到廣。洋商本有稽查具
結之責。然奉行既久。誠恐或有疏懈。應責成洋商等切實
稽查。如有夾帶情事。即將該洋商等革究。臣所轄之太平
關。為過嶺必由之路。嚴飭南韶連道加意稽察。以防偷漏。
似此併力辦理。則煙土無從私越影射。而吸食之人。勒限

嚴禁。職官不知自愛。亦有吸食者。加等治罪。其衙門兵役。以及署內人等。責成各本官嚴行查禁。如有犯者。將該犯嚴行治罪。失察員弁。交部議處。庶幾力挽頹風。咸臻上理。寰宇同游。

壽寓。而舉世共樂豐亨矣。

九月甲辰。閩浙總督鍾祥奏。竊查現在銀值增昂。未必盡由販運鴉片之故。而販運鴉片。實亦耗散銀兩之一端。誠不可不隨地查拏。以杜煙土之來。亦不可不因時救法。以懲食煙之罪。惟法在必行。自足威之使畏。而刑惟克允。又慮過則失中。夫買食煙土。究係自害其身。若如黃爵滋原

奏一概問擬死罪。亦恐誅戮過衆。查定律。凡加罪不至於死。此我

皇上協中於民。即尚書典刑祥刑之意也。現在議辦。原應因事制宜。俾令知儆。惟須於懲創之中。仍寓欽恤之意。例載軍民人等買食鴉片煙者。杖一百。枷號兩箇月。仍令指出販賣之人。查拏治罪。如不將販賣之人指出。即將食煙之人照興販為從例。杖一百。徒三年。職官及在官人役買食者俱加一等治罪等語。定例實已平允。現欲因時救法。惟須有案必破。有犯必懲。則官兵民人無不儆畏。并請於犯案之後。如有再犯三犯。無論官兵民人。各照原犯罪名遞行加

等。則獲罪均已不輕。澆風可期漸改。其兵民人等。於初次犯案時。並請加添刺臂。以便後犯查辦。至於興販鴉片。例發近邊充軍。私開煙館。例擬絞候。惟現欲加重食煙之罪。而興販開館。皆係圖利害人。尤當加重。方昭平允。應請將興販煙土之犯。由充軍加以遣戍。開館賣煙之首犯。由絞候加以絞決。則食煙賣煙所犯不同。而適重適輕。厥罪均由自取矣。至遇有大夥積販。以及勾夷運販情重者。實屬玩法之尤。仍均於臨時酌量情法。從重問擬。

諭內閣。前據黃爵滋奏。請嚴塞漏卮。以培國本。當降旨交盛宣吉。林黑龍江將軍。直省各督撫。各抒所見。妥議章程具奏。茲據各

該省陸續奏到。著大學士軍機大臣。會同該部議奏。穆彰阿係大學士軍機大臣。現雖穿孝。著一併會議。

丙午

諭內閣。各省鴉片煙漸染日深。流毒甚鉅。儻該地方官早能認真查緝。淨絕根株。何至錮習相沿。澆風日熾。現據直隸山東江蘇湖北湖南陸續奏獲各案。朕已立沛恩施。從優獎勵。著各直省將軍督撫。趁此整頓之時。同心合意。不分畛域。上緊查拏。毋得稍行鬆勁。其販運開館等犯。固應從重懲辦。即文武官員。軍民人等。吸食不知悛改者。亦著一體查拏。分別辦理。現在各直省將軍督撫。遵旨各議章程。業經降旨飭大學士等會議。一俟奏